

এইচএসসি ও সমমানের পরীক্ষার বহিষ্কার ১৬৮ অনুপস্থিত ১৪৭৭৫ জন

যুগান্তর রিপোর্ট

এইচএসসি ও সমমানের পরীক্ষার চতুর্থ দিন রোববার অতিবাহিত হয়েছে। এদিন সারা দেশে মোট ১৬৮ জন শিক্ষার্থী বহিষ্কার হয়েছে। ১৪ হাজার ৭৭৫ জন শিক্ষার্থী অনুপস্থিত ছিল। এ দিন এইচএসসিতে ইংরেজি দ্বিতীয় পত্র এবং মাদ্রাসায় আলিমে পুরনো সিলেবাসে বাংলা দ্বিতীয় পত্র বিষয়ের পরীক্ষা ছিল। কারিগরি বোর্ডের অধীনে বিজনেস ইংলিশ অ্যান্ড কমিউনিকেশন বিষয়ের পরীক্ষা নেয়া হয়।

এদিন সর্বমোট ১১ লাখ ৩ হাজার ৫০৮ জন শিক্ষার্থীর পরীক্ষায় অংশ নেয়ার কথা ছিল। কিন্তু অংশ নেয় ১০ লাখ ৮৮ হাজার ৭৩৩ জন। বাকি ১৪ হাজার ৭৭৫ জন শিক্ষার্থী অনুপস্থিত ছিল।

পরীক্ষায় অসদুপায় অবলম্বনের দায়ে বহিষ্কার হওয়া শিক্ষার্থীদের মধ্যে ঢাকা বোর্ডে ৫৯ জন, কুমিল্লা বোর্ডে ২৩, চট্টগ্রামে ১৫, রাজশাহীতে ৮, যশোরে ২০, সিলেট ও দিনাজপুরে ১ জন করে এবং বরিশাল বোর্ডে ৯ জন বহিষ্কার হয়েছে। মাদ্রাসা বোর্ডে ১ জন ও কারিগরি বোর্ডে ৩১ জন বহিষ্কৃত হয়। চতুর্থ দিনে কোথাও কোনো শিক্ষক বহিষ্কার হননি।